



UNIVERSITÄTS-
BIBLIOTHEK
PADERBORN

**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

SPECULI
VANITATIS
ECCLESIASTAE
CAPVT DECIMVM.

SECTIO PRIMA.
ECCLESIASTES.

VERSUS 1. Muscæ morientes perdunt suauitatem vnguenti. Pretiosior est sapientia & gloria, parua & ad tempus stultitia.

2. Cor sapientis in dexterâ eius, & cor stulti in sinistrâ illius.

3. Sed & in viâ stultus ambulans, cum ipse insipiens sit, omnes stultos æstimat.

*Alia verso
habet: Ponderat præ
sapientiâ,
& præ gloria stultitia
parua.*

METRICA PARAPHRASIS.

MVSCAS dum crocei aut cinnamei hospites
Liquor retentat vnguinis,
Si molli tumulo fortè superstites
Virtus odoris enecet;
Unguento species & pretium perit,
Nullisque seruit vsibus:
Sic quos nobilitat puluere Olympico
Heroicum palma decus,

Q999 2

Queis

Quis virtus pretium, quis sapientia
 Celi fauores adiicit,
 Si fors vel tenui stultitia notâ
 Splendorem obumbrant gloriæ;
 In fumos abeunt conspicuæ faces,
 Et digna fastis nomina.
 Alcides humeris sidera fulciens
 Atlante vix Atlas minor,
 Post fixa Hesperij margine littoris
 Partæ trophæa gloriæ,
 Ritu Meonia comptus amiculæ,
 Et Cypriâ comam hispidam
 Sub mitrâ cohibens, inter adulteras
 Prodegit immensum decus.
 Heu! serò hanc maculam nominis intuo,
 Mihiq; canto fabulam.
 Heu! quòd me Cypridis præcipitem dedit
 Vertigo mentem fascinans.
 Deuota, Sophia quisquis amicior,
 Hunc turbinem dementiæ.
 Si curru celebrem fama Hyperionis
 Per astra cali vexerit,
 Vt primum nebulam stultitiæ hauseris,
 Vanescet extinctum decus.
 Hoc spectans sapiens, indecoris fugit
 Vita perosus tramitem:
 Cælo conspicuum tollere verticem
 Virtute clarâ gestiens.
 Seu cunas animo peruigili coquat,
 Palmam & coronam cogitat:
 Seu fessis veniat luminibus sopor;
 Trophæa somnus erigit.

Virtus dulce putat sanguine postumam
Vitam pacisci nominis:

Virtus indigetum nata penetibus
Cognata spectat sidera.

At stultus sequior desidis otij
Alumnus, ac plangens humum,

Nil dignum rutulo cogitat ethere,
Fameque cantandum tubâ:

Nil fausto stolidus concipit alite,
Nil ordine aut modo gerit,

Virtuti anteferens regna pecunie,
Honestâ fœdis posthabens,

Quin isthuc fatui prouebitur furor,
Vt cum sit instar caudicis,

Nigrisque Anticyris immedicabilis,
Totusque rus merum; tamen

Fungos insipidos & pepones vocet,
Quos obuios dedit via.

Solus fatidicus Tiresias supra
Examina umbrarum sapit.

Sic queis in vitreis fors specularibus
Infusus est ater liquor,

Fallaci radio luminis autumant
Cunctos perustos Solibus.

O quantum solida gens sapientie
Vulgusque mane dissident!

PROSA EXEGESIS.

MAGNUM omnino discrimen sapientem inter & ^{Sapientie}
stultum, ac dispar vtriusque vitæ ratio. Cum enim ^{& stulti}
hoc vnicè commendatum sit sapienti, ne vnquam ab ^{discrimen.}
originis suæ splendore degeneret, semperque honesta,

Q999 3. caelo-